

Eviva las Mattinadas

ENGIADINA BASSA – PER ILS UFFANTS DA TSCHLIN, STRADA E MARTINA È SI ILS DUS DA SCHANER GROND DI DA FESTA.

«Mattinadas», cloman ils mats la damaun dals dus da schaner, giوند da chasa en chasa a giavischar in bun onn ed a ramassar in zic raps. Ils mats da la primara portan las sunaglieras e tiran il char da Mattinadas, il qual è ornà cun dascha e cun flurs da palpìri. Els vegnan accompagnads dals conscolars dal stgalim aut che fan da viturins e da cassiers. Da mintga abitant survegnan els insatge per pudair pajar il gentar cuminaivel e la musica che suna il suentermezdi per il

bal da Mattinadas. Entant ch'ils mats fan lur gir enturn vischnanca van las mattas vers mezdi en chasa da scola. Las mammas dals uffants ils pli vegls preparan il gentar per ils uffants. Curt avant las dus arriva alura la chapella da bal. Per il bal sa tschentan las mattas dad ina vart da la sala e da l'otra ils mats. Accompagnads da la musica tradiziunala ballan ils uffants differents sauts sco valzers, polcas e mazurcas, ma eir ils tipics sauts da Mattinadas, l'Allemanda,



FOTO: F. ANDRY

Manads dals viturins ed accompagnads dals cassiers tiran ils «chavals» da Tschlin il char da Mattinadas.

la Tschigruna ed auters gieus da saut. Er a Ramosch va la giuventetgna a prender si

Mattinadas. Quels raps vegnan duvrads per la tschaina cuminaivla. *arr/fa*